



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Expedita Juris Divini, Natvralis, Et Ecclesiastici Moralis Expositio

Tamburini, Tommaso

Coloniæ Agrippinæ, 1665

Quid sit, quæ materia, Forma, Officium? §. 1.

**urn:nbn:de:hbz:466:1-40132**





Prior est Calix cum Vino, & Patena cum Hostia, earumque traditio. Forma est ejusmodi. *Accipe potestatem offerendi sacrificium Deo, Missaque celebrandi, tam pro Vivis, quam pro Defunctis, in Nomine Domini.*

Posterior est ultima impositio manuum, ab ipso solo Episcopo facta ipsi Sacerdoti cum his verbis tanquam forma: *Accipe Spiritum Sanctum, quorum remisistis peccata, remittuntur eis, & quorum retinueris, retenta sunt.*

*a Delugo de Sac. in gen. d. 2. sect. 2. à nu. 90. b Val. Bonnac. Num. ap. Leand. &c. de Ord. d. 3. q. 6. & ap. Aver. de Or. q. 4.* 3. Dixi (ultima impositio) nam in Solemnitatibus Ordinationis Sacerdotis præcedit alia impositio manuum, facta ab Episcopo ordinante, & ab aliis tribus saltem, Sacerdotibus Ordinationi assistentibus, super caput Sacerdotis ordinandi, sicut etiam præcedunt aliæ Ceremoniæ, puta impositio veni, aliisque stium Sacerdotalium, sacra Unctio manuum, quæ omnia licet magni momenti, de substantia tamen nequaquam sunt, quicquid præcedentem impositionem esse de essentia.

4. Est autem, & hæc duplex opinio. Non pauci enim *b* putant, esse materiam, & formam adæquatam Sacerdotii solam traditionem dicti Calicis, & patenæ cum Vino, & Hostia cum suis verbis: Non *c* pauci autem putant, utramque esse adæquatam; alteram utram verò esse inadæquatam.

5. Hæc posterior sententia videtur probabilior, quia in Conciliis, Patribus, & Sæcra Scriptura Ordinatio Sacerdotis semper vocatur impositio manus, ut notat eruditè Bellarm. *d* Cum ergo nos modo num. 3. excluderimus illam præcedentem impositionem manuum, hanc excludere non possumus: ar quia adæquata sine dubio non est, erit omnino inadæquata. Cæteras quaestiones, & sanè multas hinc pullulantes lege apud Scholasticos, dummodo semper certum sit, Apostolos fuisse verè Sacerdotes institutos à Christo in ultima Cœna, ut definit

*e* Trident. *e* Munera Sacerdotis, præter mûnus sacrificandi, seu conficiendi Christi Corpus, & Sanguinem, & absolvendi à peccatis, multa sunt, & omnibus obvia: nam propterea non sunt hic cum Lectorum rædio transcribenda. Inter cætera illius etiam est, prædicare Verbum Dei, sed cumulativè cum Diacono propter superius dicta. *f*

*Quaestiones aliquot circa Presbyteratum?*

1. Prima quaestio, An Sacerdos ante ultimam manuum impositionem, sed post dictam Calicis, & Patenæ traditionem, ejusque prolatam formam validè consecret Sanctissimum Christi Corpus, & Sanguinem?

Respondeo validè, quia jam per illam traditionem completè ipsi communicata est hæc potestas, & ut haberetur ex Tridentino loc. cit. per illam est verè Sacerdos, ac defacto validè consecrat in Missa Ordinationis, quam concelebrat cum Episcopo, antequam accipiat, per dictam manuum impositionem, potestatem absolvendi à peccatis, consecrat, inquam, in dicta Missa Ordinationis, sive solus, sive actione communi cum aliis, quæ sunt quaestiones à Scholasticis agitatae.

2. Hinc vides Primò, has duas potestates, id est conficiendi Eucharistiam, & absolvendi à peccatis, esse inter se distinctas, nec unam ab alia dependere, non verò ita in aliis Ordinibus, ut pluribus prosequuntur iidem Scholastici.

3. Hinc etiam vides Secundò, si cui fortè per errorem, vel quid simile, tradita est prior potestas, non verò posterior, invalidè absolvetur à peccatis.

Vides Tertio, in prædicto casu, solum posteriori esse supplendam, quia prior suum effectum habuit, suumque Characterem impressit.

4. Quaestio secunda. Utrum necesse sit necessitate valoris Sacramenti, ut ordinandus tangat immediatè Hostiam, an sufficiat tangere cum Calice solam Patenam, ubi est Hostia, non verò ipsam Hostiam?

Respondeo, longè probabilius est etiam practicè sufficere, si cum Calice solam Patenam, ubi sit Hostia tangat; sufficienter enim dicitur acceptare Hostiam, dum acceptat vas, in quo illa est: sicuti de facto non tangitur Vinum, sed Calix, in quo illud continetur. Ita Gaspar Hurtadus loc. cit. dicens id esse maximè certum moraliter; & rectè Vasquez *h* notat, cum ordinatus habeat tunc